
Saksh.: Karina Nerland
Arkivsak: 11/1042

Arkiv: 130

Saksnr.: Utval
38/12 Sogn regionråd

Møtedato
07.12.2012

Sak 38/12

Reiselivsorganisering i Sogn - overgangsfase til nytt selskap

Tilråding:

Sogn regionråd garanterer for inntil kr 250 000 av regionale utviklingsmidlar i overgangsperioden fram til nytt reisemålsselskap er etablert.

Saksutgreiing:

I samband med etablering av nytt regionalt reisemålsselskap utfører interimstyret oppgåver slik det framgår av mandatet:

1. Utarbeida eit prospekt for selskapet
 - a. Utarbeida vedtekter for selskapet
 - b. Utarbeida forretningsmodell
 - i. Utarbeida driftsavtaler med kommunar og medlemar
 - c. Utarbeida budsjett for 3 år framover
 - d. Utarbeida framlegg til visjon, mål og strategiar
 - e. Utarbeida framlegg til handlingsplan
 - f. Velja lokalisering og finna eigna lokalitet
 - g. Utarbeida framlegg til namn/logo
2. Organisering:
 - a. Definerer arbeidsoppgåver til dagleg leiar
 - b. Tilsetja dagleg leiar
 - c. Definerer ytterlegare stillingar
 - d. Finna gode overgangsløysingar
3. Skiping:
 - a. Innhenta aksjekapital
 - b. Innstilla representantar til styret
 - c. Føreslå revisor for selskapet
 - d. Gjennomføra skipingsmøte

Som orientert om i førre møte har arbeidet i interimfasen hatt større omfang enn det vi såg for oss på førehand mellom anna har det vore eit mykje større behov for informasjon og dialog med næringa, reiselivslaga og kommunane enn forutsett før sommaren. Skipingsmøte vil bli gjennomført 5. februar og ikkje i desember som planlagt. Det må reknast ein månad teikningstid og aksjeteikningsperioden blir ut januar. Interimstyret ønskjer at det vert inngått inngått avtale med Segel AS om leiingsfunksjonen (i deltid) i overgangsperioden frå 1.1.-31.3.2013. Det vert også kostnadar til utlysing og tilsetjing av

dagleg leiar og dei fire andre stillingane i selskapet. Prospektet vil bli trykt opp og sendt ut til reiselivsbedriftene og andre aktuelle bedrifter om kort tid.

I påvente av skipingsmøte og etablering av selskapet, er det ei løysing at Sogn regionråd garanterer for inntil kr 250 000 til selskapet er stifta. Dette vil sikra at det kan bli inngått avtale om leiingsfunksjonen med (kr 150 000) i januar og byrjinga av februar, dekkja utgifter i samband med utlysing og tilsetjing av fem stillingar (kr 50 000) og ev. prospektkostnader (kr 50 000).

Interimstyret sin søknad til departementet om pilotmidlar vil bli handsama på nyåret. Det er aktuelt å søkja fylkeskommunen om midlar i overgangsfasen. I og med at ekstern finansiering ikkje er avklart tilrår administrasjonen at Sogn regionråd garanterer for kr 250 000 av regionale utviklingsmidlar til overgangsperioden frå 1. januar til skipingsmøte.